

**DRUŠTVO PEDAGOGA  
TJELESNOG ODGOJA USK-a**

Broj: 01-11/23

Datum: 02.11.2023.godine

- MINISTARSTVO OBRAZOVANJA,  
NAUKE, KULTURE I SPORTA USK-a – Edvin Alijanović, ministar  
- PEDAGOŠKI ZAVOD USK-a - Haris Smajić, direktor  
- VLADA USK-a – Mustafa Ružnić, premijer

PREDMET: Obavijest, dostavlja se

Poštovani,

Društvo pedagoga Tjelesnog odgoja USK-a održalo je sjednicu predsjedništva i donijelo slijedeće Zaključke:

1. Obustavljaju se sva takmičenja (Školska, Općinska i Kantonalna) do ispunjenja zahtjeva,
2. Tražimo HITNU isplatu naknada po Kolektivnom ugovoru kao i ostali nagrađeni nastavnici/profesori,
3. Tražimo HITNO očitovanje Ministarstva obrazovanja, nauke, kulture i sporta USK-a po ovoj problematici u narednih 10 dana,
4. Ako bude potrebe sazvati press konferenciju za 15.11.2023. godine,
5. Zaključke proslijediti medijskim kućama na području USK-a.

**Obrazloženje:**

Na svojoj vanrednoj sjednici Društva pedagoga tjelesnog odgoja USK-a, održanoj 02.11.2023. godine u Bihaću nakon duge i konstruktivne rasprave jednoglasno su doneseni zaključci koje smo Vam pobrojali. Nezadovoljstvo je iskazano prije svega zbog diskriminatorskog odnosa prema pedagozima tjelesnog odgoja u odnosu na sve druge uposlenike u obrazovanju. Podsjećamo da je 06.10.2023. godine Ministar obrazovanja, nauke, kulture i sporta USK Edvin Alijanović uručio priznanja najboljim nastavnicima i profesorima koji su sa svojim učenicima ostvarili zapažene rezultate na takmičenjima od kantonalnog do međunarodnog nivoa. Ova priznanja, sa pripadajućim novčanim nagradama, uručena su na Svjetski dan učitelja, kako bi se dodatno naglasila uloga i važnost prosvjetnih radnika u našem društvu.

**Posebno se osjećamo povrijeđeni što su nagrade dodijeljene u povodu Svjetskog dana učitelja.**

U skladu sa Kolektivnim ugovorom nagrade nastavnicima za uspjeh učenika na takmičenjima obezbjeđuju se iz sredstava planiranim u finansijskom planu Pedagoškog zavoda USK-a, a isplaćuje ih Pedagoški zavod na prijedlog direktora. Što je još jedan dokaz da Pedagoški zavod pedagoge Tjelesnog odgoja stavlja u diskriminatorski položaj a kada se radi pedagoški nadzor po ustanovama načešći slučajevi su da baš pedagozi tjelesne kulture budu predmet provjera.

Naglašavamo i činjenicu da su pedagozi tjelesne kulture sa svojim učenicima najaktivniji po pitanju realizacije sadržaja i najveći promotori svojih ustanova, općina i gradova iz kojih dolaze te USK-a na višim nivoima.

Nastojimo da kroz školska, općinska i kantonalna takmičenja animiramo učenike da žive zdrav život, bave se sportom, vode računa o svom zdravlju, ishrani, aktivnostima.

U aktivnostima koje vode pedagozi tjelesnog odgoja direktno je uključeno 8000 učenika, što nije zanemarljiv broj.

Pedagozi tjelesnog odgoja postavljaju temelj u zdravom načinu života i življenja, koji se kroz vrijeme izgrađuje u pozitivnu individuu koja svojim trudom i zalaganjem zablista uz kvalitetnog mentora.

S ponosom možemo reći da najuspješnijim sportistima kojima se svake godine dodjeljuju plakete kao najzaslužnijim, najuspješniji sportisti USK-a, su pedagozi tjelesnog odgoja bili odskočna daska u svijet sporta.

Zbog svega navedenog u nadi da ćete naći razumjevanja za trud i zalaganje koji pedagozi tjelesnog odgoja svakodnevno ulažu u odgoj, zdravi rast i razvoj naših učenika, naći načina i donijeti odluku da i pedagoge tjelesnog odgoja stavite u ravnopravan položaj sa drugim nastavnicima/profesorima u programu najuspješnijih nastavnika/profesora.

S poštovanjem!

Sportski pozdrav!

Predsjednik:

---

Enver Bajrektarević, prof.